



## „Čitanjem do znanja“

**Partner:** Privatna predškolska ustanova “Aladin” Tuzla

**Cilj inicijative:** Promocija čitanja i ohrabrenje učenicima da proces čitanja i učenja shvate kao nagradu i ugodno provedeno vrijeme.

**Sažetak inicijative:** Korisnici PPU Aladin su pored djece predškolskog uzrasta i učenici uzrasta od 1. do 4. razreda koji pohađaju JU OŠ “Kreka”. Odgajateljice su primjetile da postoji potreba za dodatnom podrškom učenicima u oblasti čitalačke pismenosti i potreba za dodatnim aktivnostima koje će motivisati učenike i doprinijeti učenju tokom boravka u prostorijama obdaništa. U saradnji sa školom predstavnici PPU Aladin su oformili i opremili kutak za čitanje u prostorijama PPU Aladin, organizovali aktivnosti primjene eksperimenata sa učenicima i korisnicima u prostorijama obdaništa, aktivnosti čitanja u obdaništu i školi i aktivnosti zajedničkog obilježavanja dana knjige.

### Aktivnosti inicijative:

Uvodne aktivnosti su podrazumijevale susret sa menadžmentom JU OŠ “Kreka” i JU Narodna i univerzitetska biblioteka “Derviš Sušić” Tuzla. Tokom sastanaka dogovorene su aktivnosti i zaduženja u svrhu realizacije.

Sadržaj kutka u prostorijama obdaništa je dogovoren u saradnji sa predstavnicima škole. Kutak je opremljen didaktičkim materijalima za čitanje i matematiku, kao i osnovnom aparaturom za izvođenje eksperimenata za usvajanje osnovnih naučnih pojmova.

U kutku, prema dogovorenom rasporedu su se realizovale aktivnosti čitanja tokom kojih su odgajatelji čitali djeci, a zatim su razgovarali o pročitanoj i ilustrovali pročitano. Realizovane su aktivnosti vršnjačkog čitanja tokom kojih su školska djeca čitala djeci predškolskog uzrasta pri čemu su vodili dnevnik čitanja. Kroz dnevnik čitanja djeca su bilježila nepoznate riječi, glavne likove, omiljene dijelove pročitane i kreirali vlastite završetke pročitanih priča. Zatim, u kutku su se provodile i aktivnosti primjene eksperimenata kroz koje su djeca imala priliku samostalno da pripremaju sastojke, mješaju sastojke, predviđaju i opisuju promjene koje vide, a kroz to i da se upoznaju sa osnovnim pojmovima u nauci.



## **Incijative partnera u kvadratnom kilometru obrazovanja Kreka**

Organizovana je posjeta gradskog biblioteci "Derviš Sušić". Djeca su imala priliku da saznaju gdje se nalazi biblioteka, koji sadržaj biblioteka nudi, a takođe uposlenice biblioteke su pripremile i realizovale radionicu za učenike koristeći različite didaktičke materijale koji se mogu povezati sa sadržajem predmeta maternjeg jezika, matematike i moje okoline.

Za uposlenike obdaništa je organizovana edukacija o primjenu digitalnog alata Kahoot. Cilj je bio osnažiti komeptencije odgajatelja kako bi se to znanje za medijsku pismenost prenijelo na korisnike obdaništa i kako bi se djeca dodatno zainteresovala i motivisala za rad i učenje.

U JU OŠ "Kreka" dvije učionice su opremljene sa pametnom tabom. Nastavnici osnovne škole su ugodili odgajatelje obdaništa pri čemu su proveli edukaciju o korištenju pametne table i dogovorena je saradnja između škole i obdaništa u okviru koje predstavnici obdaništa prema raspored časova i dostupnostio učionica dovode djecu i realizuju aktivnosti korištenjem pametne table.

Takođe, JU OŠ "Kreka" raspolaže sa prostranom bibliotekom i kutkom za čitanje u kojem su od strane bibliotekara i učiteljica osnovne škole organizovane radionice čitanja za učenike nižih razreda osnovne škole i djecu predškolskog uzrasta. Ove posjete su bile uzajamne i organizovale su se i u školi i u prostorijama obdaništa.

O svim provedenim aktivnostima, roditelji su bili blagovremeno i redovno informisani, a takođe kontinuirano se odvijala komunikacija među predstavnicima obdaništa i razvojnog tima škole.

### **Rezultati inicijative:**

- Odgajatelji predškolske ustanove su unaprijedili i razvili vještine i znanja primjene digitalnih alata i opreme u radu s djecom;
- Uspostavljen je i opremljen kutak za čitanje i zanimljive aktivnosti u prostorijama obdaništa, a koji koriste učenici i korisnici predškolskog uzrasta u obdaništu.
- Učenici su se upoznali sa osnovnim pojmovima u nauci, usavršili određene vještine fine motorike, usavršili tehniku čitanja i razumijevanje pročitanoog teksta. Mogu prepričati i ilustrovati pročitano.
- Učenici i djeca predškolskog uzrasta su proširili vokabular i unaprijedili vještine komuniciranja predškolske djece;
- Unaprijeđena je saradnja između obdaništa škole. U saradnji, predstavnici obje ustanove planiraju i provode zajedničke aktivnosti zastupajući najbolje interese djece predškolskog i školskog uzrasta.